

سما محمد حسين

بنوته بضفاير

شعر

طبعة أولى إبريل 2019



سما محمد حسين

بطاقة الكتاب

مسابقة شاعر / أديب النيل والفرات الدورة الرابعة – إبريل 2019 الكتاب الفائز بالمركز الأول م شعر العامية المصرية فرع		
عنوان المؤلف	بنوته بضفاير	
المؤلف	سما محمد حسين	
التصنيف	شعر	
رقم الإيداع القانوني	7888 - 2019	
رقم الإصدار الداخلي	369 الطبعة الأولى إبريل 2019	
عدد الصفحات	94 صفحة	

جميع حقوق الطبع والنشر محفوظة للمؤلف، ولا يحق لأي دار نشر طبع ونشر وتوزيع الكتاب أو ترجمته أو الاقتباس منه أو نشره على النت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 – سجل تجاري: 13242 / 2017 – بطاقة ضريبية: 01-35-572
 عضو عامل باتحاد الناشرين المصريين رقم 941 لسنة 2018
 هاتف: 01011256943 – 01116202218 – 01202541192 فاكس: 020554372901
 البريد الإلكتروني: nagyegy200064@gmail.com alniltwaalfourat@gmail.com
 (المقر الرئيسي: ج.م.ع. محافظة الشرقية – العاشر من رمضان – مجاورة 13 – أمام سنتر الد13 – قطاع 304)

محض افتراض

الليل يسرق آخر ضي بالضلمه
ويوزع الضحكه الكنييه ع البشر
حتى القمر..
مخنوق من الليل والسهر .. والإكتئاب
على كل باب مكتوب بإنك تنتظر..
نوع العذاب
كذاب يا من باع الحقيقة .. بالسراب
وكتاب ييقفل صفحته..
على سطر مكتوب بامتعاظ
كذاب يا من جعل الأمل..
محض افتراض
الحمل زاد
والدنيا عاطيه ضهرها بالعكس

والكسر لو ف الضهر زاد..

زاد البعاد

والبُعد زاد المشتاقين وقت الجفا

عف الزمن ايام ما كان زمن العفاف

بنُحْسُهُ ف شعاع الامل

لكنه مات..

وصُوانه جامع للاماني المُعدمه

ياضحكه وقت الاحتضار ساكنالى روح

كانت وراحت من زمان .. صبحت جروح

والضى نار

والدار ساكنها كل من كان السبب

تعب القلوب مكتوب

والحبر نقطة دم..

نازله على جروحنا بألم

قال القلم كلمته

والكلمه محسومه
كل اللى راح واندفن
كان نور صبح ف ضلام
وكلام حروفه من دموع ساكته
كاتمه اللى فيها شموع
مطفيه ف العتمه
قلبي صبح مقتول والجاني كان معروف
صلى على كعبي
واتوضأ من دمعى
وتلاها احلى حروف .. مسقيه حنيه
كل اللى قاله خداع
ع الكذب مبنيه
حتى الاساس مايل مسنود على خدى
عدى يا ايامى ولعمرى انا عدى
كل السنين واحد .. والباقي مش باقي

مُر الزمان كان كاس
والصبر ترياقِي
أصبحت روح فانيه
هايمه ف بحر الخوف
بتشوف لكن عاميه
صابها العمى م الشوف
وطريق مالوش آخر
مكتوبلي انا أمشيهِ خطوه ورا خطوه
وتحت أي ظروف
يا حلمنا المخطوف من بين بواقي الصبر
هيا كمان خطوه
ويجمعنا نفس القبر

دقة سلف

قلبي اللي كان طيب بريئ..

مابقاش بيفرق جوا نبضه أي شيء

أصبح جريئ

عايش بيتدفا بروحه .. وبجروحه

ويّا بعض

قلبي اللي كان نابض حياه..

مابقاش له نبض

عايش بيحلم بالماfish

درويش في حضرة اللا شيء



قلبي اللي كان طيب بريئ..

مابقاش بريئ

محتاج يدور في القلوب

على دقه تهديه الأمان .. حتى ولو دقه سلف

مابقتش باشعر بالشغف أو باشتياق

كل اللي باشعر بيه .. أسف

أو نبض حاسس باستياء

والفرح أصبح عنده ٢٠٠٠ ااااااه

والااااه دواها بكى يشفي جراح الروح

كل اللي كان جوانا راح وانتهى

وبأيه يفيد لو كان نعيدها صلاة

لحظه خشوع القمر لو كان ف يوم اتخسف

القلب مايل للحنين للروح

غلاوى يدارى جوه منه جروح

بيبوح بكل مافيه لكنه عذاب

القلب داب

دقاته صبحت دقه واحده وبس

بتحس لكن حسه مش مسموع

بينادى يلقي الصدى يرجعله من تانى

عمره ماكانت ضحكته بخته

حلمه ابتدا وقت (ن) طلوع الروح

مسموح اقوله ارتاح وعيش يومك

ولا مجرد كلامي زيف ومش مسموح

مطروح من الجمع اللي كان كامل

مضروب في نفس الهم 100 مره

والقسمه ضاغت والنصيب عامل

زي السياج حوالين دموع مره

مابقتش ذكرى وخلص

ولا حتى فارق معايا أي شيء ممكن

الروح بتتسكن وتهدا بدون ألم

حتى القلم رافض بإنه يكتبك حرفين

مسكين وحبره جف م المنبع

وماعتش ينفع حبره ع الورقه

حاسس بخنقه بتقتله
وما فيش ايدين تتحملة
حتى الايدين اتكتفت م الهم
والسم زاحف يسرى مجرى الدم
ولامتى هنعافر خلايا البوح
مجروح يداوى جروح ..
عجزوا الاطبا يطيبوا فيها
تلاقيها دايما مابين اتنين .. بروح واحده
جاحده مابتفرقش بين عشق روح حيه
الموت طريق مسدود نمشي به حنيه
تلاقيك في حيطه سد

ياخذك معاه المد يرميك على شطه
ترجع بدمع الندم وتبوسه على خده
ياخذك زبد للبحر تندم على سيرك
طيرك هجر عشه ..

طول عمره غاوى الهجر
وانا بعد طول الصبر ..

قررت اكون زيه
مش هابكي في الضلمه ..

على نور حجب ضيئه
وهاعيش في نوري اللي اتخلق بيدي
يا دنيا عيدي اللي اتسرق مني

وانا غصب عني ..

ها عشقك تاني

انت حياة

وقت ما بتشعر بان القلب جواك نبضته
بتنطق حياه..

وقت ما تكون بس كلمه..

بتمحي منك 1000 آاه

وقت ما الاحساس بشوق للفرح جاي يتملكك
كل السكك تفتح طريقها لحضن قلب بيعشقتك
ويصدقك..

لو حتى كان البعد واصل منتهاه
وبيطوي خطوات الزمن..

علشان يادوب نظرة عنيك
وبلمسه واحده من ايديك..

يقدر على كل المحن

ويعيش معاها اللحظة عمر من الحنين
وسنين بتطوى الجرح طى
وتنادى ويرد الصدى ..الفرح جى
ويا الحبيب عاشق لىالى من السهر
تلقي القمر والليل بشوق..
ينزل نداه

وان تاه ف يوم القلب بيلقي الدليل
وان طال ف يوم الليل بيشقشق نهار
مكتوب علي جبين الزمن بالنور حبيب
والدنيا لو تسكن عيونه تطيب
ياقلب عاشق للجمال والحب
كل الامانى اتجسدت صورتك
والنظره منك للعيون..
تصبح صلاه

دا انت القمر غيران عيونه من عنيك

والضى لو شاف طلعتك زانك
قلبي اللى عاشقك بالقوى حيران
والكون مكانه ف قلبي علشانك
كل العيون تتمنى ليك نظرة رضا
وانا بس قلبي اللي بيتمناك...

نجاه

ف ازاي هاقدر قلب مشتاق للحياه
انه يعيش من غير وجودك
ياللي ف حدودك تنتهي كل الألام
وبيبتدي يومي الجديد
وبايه يفيد بس الكلام
لو كان كلامي بيوصفك حرفين غرام
وانت حياه

هو انت ايه؟؟

قلبك دا مصنوع من فولاذ
و القسوه واخذ فيها درجة إمتياز
برواز حياتي وانكسر
لما لقيت قلبك حجر
والصوره بهتانه ف عنيك
خوفي عليك
خلاك تآمن إن قلبي ملك ليك
ف تدوس عليه
هو انت ايه
استاذ في تبرير العناد
مع ان روحي بتنسحب .. وقت اللقا
ما بالك انت بالبعاد

بس الحقيقه المدهشه
انا قلبي رافض لانقياد
من بعد طول التجربه وطول السهاد
مابقاش مجرد قلب عاشق بانحياز
اصبح .. إزاز
مكسور ورافض حد ثاني
يجبر الكسر اللي فيه
هو انت ايه؟؟
طبعك بتبعد كل ما باشتاق حنين
والقلب من كتر الفراق ينزف أنين
ولمين هروح واشكيك
وانت اللي طول عمرك بتسمع شكوتى
والوحده من بعدك بتقتل ف الفؤاد
والنار بدال ماتشع نور..صبحت رماد
مجروحه كل شهادات الهوا منحازه ليك

تلاقبك فتجري عليك تنادى..
يامن هواه اعزه وازلنى إمتى اللقا
قلبك سراجى ف دنيتى
وف بعده صبح الدمع زادى
كل اما تنشف ع الخدود
تقسي عليه هو انت ايه
دا انت اللي ياما حفرت اسمك ع الشجر
ورسمت صورتك بالنجوم
من نورها غار منها القمر
وناديت بعلو الصوت ..حبيبي
وياريت سمعت
قلبي اشتراك بالغالي لكن..
انت بعت
ضيعت ف القلب الهوى

بالشوق كاويه

هو انت ايه ؟!

إفتراض البعد

لما يبقى القلب قافل صفحته
على نبضه خائف انها يوم تهزمه
أو تحرمه من انه يتنفس هواك
يبقى افتراض البعد .. جايز
لما عيني تلمح الضحكه بقت
خطين دموع
والقلب رافض أي مبدأ للرجوع
ممنوع يا شوق المحتاجين
لشعاع أمل يكسر جبال المستحيل
يبقى البديل انك تسلم لليقين
ان افتراض البعد جايز
لما تلقي كل ايد صبحت بعيد

والفكر سارح ف الفضاء

بس القضا...

خلى القمر قابل بأنه يعيش وحيد

مين فينا كان عايش سعيد من غير ألم

سن القلم مع كل سطر بيكتبه

يرسم مع الاحلام دموع

موجوعه كل العاشقين

ممنوع تقرب م الدوا

والضى بيلملم خيوطه

وبديله ليل للقلب حاجز

يبقى افتراض البعد .. جايز

لما يكون الكون براح

ف ساعات جراح القلب ممكن تستكين

والذكريات..

تصبح دوا للعاشقين

ويعود ومن ثاني الالم مع كل ذكرى
ماهي اصل لسه روعي فاكراه
لما كنا ايد بأيد
لما كانت ضحكة الايام تجلجل
واحنا ماشيين ف الطريق
كان بس كل حلمنا نلقي النهايه
نهايه العشاق
القلب داق الحب فى زمن الاماني
واتعود أنه يعيش غريب ف دنيته
مستني يوم يمكن يلاقي حبيب
يطلع من الحلم البعيد فايز
يبقى المؤكد..
افتراض البعد ... جaaaaاايز

فجر بيتولد

مليوون حقيقه بتختفي وسط الضباب

كذاب ياليل العاشقين

مانتش حنين ع الغلابه المجروحين

بتغيب سنين..

وتعود معاك اقوى عذاب

لما السراب يخدع عيونك .. يأسرك

يفرض وجوده ع المالأ

حلم اتخلق من بين خيوط المستحيل

مولود هزيل .. وبيتخفق

يبقى النهايه مؤكده وبدون دليل

حلم انتحر..

على اول السكه اللي كانت خادعه

يابحور امالي الواسعه ..
غرقان في شطك من زمن
يادي المحن
اللي بتخلق كل يوم انسان جديد
يفضل ينادي ع السراب المحتمل
هل من مزيد ؟
ف يرد بالتاكيد ... أكيبيد
ويعيد كتابة رحلتك ويا الآهات
وساعات بيسرح ف الفضاء ويرسم أمال
وخيال يشوف الضلمه نور
وكاسات تدور مليانه وهم ف يشربه
ويعيش ف دنيا خلقها من حبة ضباب
مع اول الخيط اللي يفصل بين نهارمولود وليل
الويل صديقه رفيق ف كل طريق
فيعود يفتح ف العيون يمكن

من بين وبين .. الذكرى تاني تعود

مولود واول خطوه ليه

تلاقيه

بيروح لنار تحرق سنين عمره اللي فات

وعشان غشيم وفاكرها نور ف بتخذه

والنور بعيد وكأنه شمعته بتتحرق

ف بتتسرق من بين ضلوعه بسمته

وتودعه

وترجعه لنهايه شبه مؤكده

وتسمعه صدى كل صوت

موعود يعيش ويا الليالي وعمر نوره ماتولد

عاشق بيحلم باللقى ويفوق علي حبة رتوش

مغشوشه احلام البراءه

بتشوف علي مد البصر بحر الامل

واما تقرب منها تلقاه سراب

وف لحظه تتغير حياتنا تضمنا
والنور يعود وكأنه فجر يادوب وليد
والعيد برغم انه بعيد لكنه حلم
مع كل فجر بيتولد
نحلم بقلب يعيش سعيد
ونحقق الحلم ف قلوبنا يهزنا
ويدلنا

على خيط شعاع الشمس في الفجر الجديد
يا كل عشاق الحياه لسه الأمل..
في عيوننا نبتة بتتولد
والطرح جاي في يوم ..أكييييييد

بتشبهني

بتشبهني..

في نبضك حتى والإحساس

وفي الإخلاص

في دقة قلبك الدايبه في عشقي سنين

وصوتك حتى وانت بعيد بيوصلني

بهمس حنين

بتشبهني ف حاجات ياما ما تتعش

ولا حدش بيقدر يوصف الحاله

تعالى نعيش في دنيتنا

انا وانت وبس خلاص

بتشبهني..

في نبضك حتى والإحساس

وتشبهني في عشق الليل
وحرف جميل بيكتبني
علي خط الهوى المايل
رسايل عشق مكتوبه ف بحر الشوق
تاخذنا لفوق ف دنيا كلها احلام
ونتمني نعيش فيها
علي مد البصر بنشوف
شعاع الضي
ده عشق قلوبنا مالهوش زى
بيخلق م الامل بسمه
ونسمة لو بتلمسنا تدوب فينا
ف ليالينا السهر يحلي .. يناجى الليل
دليل العشق نظره عين
بتحكي كل اسرارنا
وترسم فرحه ف عيونا

وترسمني
كأني عروسه بالابيض ولساها
بنات الحور بتغزل من ضفايرها
سلاسل نور
تنور كل ايامنا وتبني قصور
نعيش فيها ليالي كتار
ونار الشوق
بتحرق لو قابلنا عزول
وبدر بدور ف ليالينا
بيسقيننا كاسات الفرح
يموت الجرح جوانا
ولو يوم كان قابلنا الشوك
بيطرح ورد
نطير انا وانت ف سمانا
معانا قلوبنا والعشاق

بتشهد لنا بالاشواق
وتحسدني
عشان ما انت ..بتشبهني

عكس السير

قلبي اللى ببسأل عن نبضه..
فى غيابك عنى
محتاج لو كلمه تطمنى..
وتخلى الروح المشتاقه لنظره عينك
ترجع وتعود
انا شوقى لقلبك ماله حدود
ووجودى لو مش فى وجودك
عمرى مايبقالى ف لحظه وجود
ياطريقى اللى بحب امشيهِ
يابو قلب كبير بسكن فيه
لو يوم تتألم انا قلبي..
لحظتها يحس
ويدوب لو يسمع منك اااااه لو حتى بهمس

ياحنين الماضي ويا الامس
يابدايه حلمي اللي انا عايشاه
ونهايه جرح سنين..
انا عايشه عشان انساه
لو قلت الاااااه..
بتمنى تكون جوايا الاااااه
ياربيع العمر اللي انا بتمنى ف يوم القاه
شجرة ايامي اللي ف بعدك
دبلت اوراقها المشتاقه لربيك حب
والنبض ف قلبي بيندهلك
عشان ترويه..
بحنان القلب
همست عصافير الشوق رقه..
على اغصانها
مشتاقه تزقزق بحنانها

على قصة عشق
تحكيها في قلب الليل موال
والحن حزين
باتمنى لو خط حياتنا بقى عكس السير
نتقابل تاني وارواحنا
ترتاح في ضلوعنا المشتاقه
للفرح كتيير

ضحكة بتتولد غصباً

لون السما باهت / وجع القلوب دقات
الفرحه ليه تاهت / والعمر عدى وفات
محبوسه ضحكة بتتولد غصباً
مقتوله بين احزاني جوا المهد
والآهه مفروضه عليك فرضاً
شايفه الطريق مسدود ب مليون سد
يتهد عمرى اللى اتخلق لحظه
والفرحه فيها بتتعدم م الخوف
وظروف بتحكى حكايه النظره
اللى بتلعن فيها أى ظروف
ونعيش حياه مرسومه بجراحنا

سما محمد حسين

عاش عمره كله حى

لكنه قلبه مات

سبحان الله..

انا قلبي اللي اترشق مسامير..
لسآه بيدق
وبيفضح احساس متخبي ف قلب الضلمه
خايف يظهر .. ف بينطق : لأ
وان جيت للحق..
من كتر ما شاف القلب جراح..
قرر يرتاح ويعيش الفرحة وينسى الآه
سبحان الله
مش لاقى طريق الا ومسدود وف آخره الام
بيدور ليل ونهار علي نور يخلقله ضلام
وينام القلب وأمله يلاقي صباحه نهار
والنار اللي بتحرق قلبه برد علي سلام

او هام بيعيشها القلب كأنه..

عايشها حيااااااااااا....

سبحان الله...

انهار الدمع اللي بفيضها تزرع ف ورود

والشوك الطارح من حزنه بالجرح وجود

ويعود القلب لاحزانه وكأنه عذاب

مكتوب علي كل جبين يائس محسوبله حساب

وصحيفه عمره المحرومه من اى صلاه

سبحان الله

عايش وسنينه عجاف ف عجاف

لكن بيخاف لـ فيوم تخضر

لو تطرح يفرح ف يدوقها يلقاها المر

قلبه المشتاق للفرح يهل.. بطل يحلم

وعيونيه المجروحه دموعها .. تطفي شموعها

ولا يعرف يوم للفرح نجاه

سبحان الله

وسراب بيقابل خطاويناف بيبقى خداع

وبجمله احلامي الضايعة

العمر اهو ضاع

واتباع القلب ودقاته من غير ما يئن

مع ان الدقه ف عمري ساعات

وكتيبيبيير بتحن

للفرح يغير احزانها وبتستناه

سبحان الله

ويعود الحلم ويتجدد ف القلب كثير

يتمني يلاقي ف أيامه لحظه تغيير

والضي المستور ف غيومه يظهر ويطل

وتهل الضحكه المشتاقه لشفاف الكل

ف نحقق حلم كثير غايب وبنتمناه

سبحان الله

ست الملاح

ضحكه م القلب بتاخذني /
والقى كل الكون براح
والصباح الجاي باعتلي ابتسامه
لا ملامه
لما قلبي - بعد طول حزنه - بيفرح
بس لو ايامي تسمح..
كنت اعيش عمري اللي جاي..
بدون جراح
كنت احس الدنيا اجمل
واللى جاي مالوش حدود
والوجود يعشق وجودي..
يخلق الايام امانى بيها تتحطم سدود

القی کل الفر ح بسمه
 راسمه حلم لسه جای
 لجل مایعوض حیاتی..
 ای شئی عدا وراح
 قلبی عاشق
 قلبی کل رکن فیه ساکنه الحنین
 زی حزن الأم لما یتوجد
 یمسح الدمع ف لیالی المجروحین
 والجنین الی یادوب بیخطی خطوه
 وضحکه حلوه..
 لبنت موصوفه ف کتاب العاشقین
 قالوا عنها انها ست الملاح
 صوتها نای
 بس مایعزفش حزن
 لحنها مخلوق عشانی

فجاه افْتَحَ..
القي كل الكون قُبالي
اجرى..اتنطط..اغنى
زى طير محبوس ف لحظه
يلقى نفسه بره قفصه..
ف دنيا اوسع م البراح

الليل يموت

من بين خيوط العنكبوت ..

بالمح حياه

يمكن في وسط الليل تتوه

بالمح ضباب الامنيات رافض يروح

احساس يبوح بالمستحيل

ف تثور كوامن رغبتي في الإنتباه

كل اتجاه ..

في نهايته سد بيمنع الامل اللي باقي

كُتر اشتياقي بينتهي دايمًا ب آآه

والاااااه برغم المها ترسم حلمها

تزرع أمل تلاقيه طرح

وبرغم ان الزينه مش زينه فرح

ولا ضحكه بتعافر عشان

تخلق مكان علي جبين الاماني

ونعيد ف رسم الصوره تاني

الوان كتير متلخبطه مالهاش ملامح

والفكر سارح

مابين وابين...

طريقين مفيش بينهم تلاقى

وعيون دموعها سنين عجاف

بنخاف نخاف

عفريت بيعشق يقتل الامل الوليد

من قبل ما تلمح عيونه الضي

النبض حي

بس العروق رافضه المرور

قدام طريق الامنيات .. فيه 1000 سور

وبرغم زيف المعجزات

وشريط حياتنا اللي بيخلق ذكريات

العمر عدا بالسكات ..

اللي بيخلق ضحكنا المغشوش

وبالظنون

معتش باقي اي شئ مضمون
وبلفته من رمش العيون
نلمح خيوط النور بتنسج حلمها
والصوره توضح من جديد
وبتختفي كل الرتوش
ومن بعيد .. رغم الضباب
تظهر ملامح اللوشوش
والليل يموت

صندوق الدنيا

صندوق الدنيا اللي مخبي

جواه حكايات ...

قد الدنيا

ايشي أكشن فروسيه ياسيدي

وكوميدي ورومانسي وتراجيدي

ويادوبك عم امام بايديه

ينده ويلف المنافلا

بتلاقي الدنيا قصاد عينك

صندوق الدنيا اللي مخبي

جواه اسرار

وبعينك شايك ومبخلق

لكن محتار

وتفكر وبتسأل روحك

ييجي 1000 سؤال

هو احنا ازاي عايشين ايام

الباطل فيها بيقلب حق

والظالم عايش دور مظلوم

والبادي بخير بنجاوبه ب لاء

حكاياتنا كتيبيير عايشه الدنيا

عايشينها وبنموت ف التفاصيل

وان يوم بيميل الحال نبعد

ونعيد ف الصورة ومن ثاني

نحلم بحكاياه

وبتبقى الدنيا الغداره. للقصه الاولى

هي اللي بترسم تفاصيلها

لكل نهايه

من ثاني نلاقي في حكاويها فارس مغوار

بيحارب لجل حبيبته اللي عشقها

بسلاح حبه

وبيرمي بنفسه ف وسط النار

ويعديها ويجوب الدنيا بمآسيها

وعشان مايفوز اخر المشوار

ويعيش الحلم اللي اتمناه

بيخطي حيااااه

وتلاقي الضحكه اللي تجلجل قلب المجاريح

والريح اللي بترسم لامال ف دموع افراح

والست بهيه الغلبانه بلامح صبر

بتدوق المر.. لكن عايشه

والضحكه مابتفارق عينها

اصلها عارفه ايه اخرتها

مهما نعيشها هنفارق تاني

والحزن الكامن جوه القلب

راح يقتل احلامها ف ثانيه

واهي دي الدنيا

كل الحواديت تنطق احداث

والكل انداس

مستني الفارس ينقذهم بسلاح الحق

والفارس اتأخر جدا

والديك يدن يعلن عن فجر بنوره يهل

والناس هاتشوفوا بعين ثانيه

هاتشوفوا حقيقه وملموسه

مش بس ف صندوق الدنيا

جوايا حاجات

جوايا حاجات

بتصارع بعض عشان تطلع..

وتشوف النور

جوايا مشاعر بكر يادوب .. بتخطي السور

علشان تمسك في بواقي الحلم المتبعثر

بين المسافات

احساس بيحاول يتمرد ويهد جدار

وكلام محبوس جواف قلبي

حرفه بينزف ويقول اشعار

انذار للضحكه اللي بتطلع قدام الناس

احساس بيدور ع البدايات

جوايا حاجات

كراكيب متلخبطه جوا الشق

وبكلمة حق بتترتب حسب الاحوال

ملعونه الآهه اللي بتجرح قلب الموال

ملعون يا خيال

ياللي بتسرق عقل الواحد

ف يعيش متغرب جوا الذات

جوايا حاجات

منقوشه على جدار ايامى

بتخطط مستقبل غامض
مع نور الشمس يبان فيخاف
ليزوره الليل
حائط لخطوطه كتير روايات
والمخرج واقف مش عارف
بيقول كلاكيت اخر مره
ويصور ف العيشه المره
افراحنا بتهرب بره الكادر
ويحلم يوم عرضها يجمع
احلام بكا راسمه عيونها بنات
والحلم بيكبر جوانا

والخطوه بشوق بتعدى بحور

وبنات الحور قاعدين ع الشط

من تانى كلاكيت

يتغير مشهد احزانا يتبدل فرح

ويموت الجرح فى غربه ليل

يظهر من تانى ف قلب الضى

تفاريح بتزغرد من تانى

و بنطوى مع جراحنا امبارح

وبضحكه نبات

جوايا حاجات مش مكتوبه ..

انما تتحس

مش ضحك وفرح وحزن وبس
ولا حتى كلام عن حب اتعاش
وصبح او هام
ولا حتى عذاب وعتاب وملام
والعمر اللي انا قضيته مابين اللأ والآه
خلاني اتأكد ان انا بس ...
جوايا حياه

بعدين معاك

بعدين معاك

ياللي ملكت الروح بدون حق امتلاك

يا فرحه في الزمن الحزين

وسنين وباستنا هواك

بعدين معاك

كل الحروف تايهه على سطر القصيده

والكلمه رافضه من زمان البوح

والروح تعافر لاجل لحظة نور وليده

دنيا جديده بتبدي بنظرة عنيك

والشوق ناداك

بعدين معاك

ياضى لو يظهر ف يوم

يخلق حياه

ياحلم بيونس طريقى

لو ف يوم القلب تاه

يا ااااااه بتتنفس حنين

يا روح بتتجسد ملاك

بعدين معاك

ياكلى كل الامنيات

يوم مالتقيك

ايا اجمل الايام بشوقها

بشوقها فيك

كل اللى بتمناه لقيته

معاك وبيك

وان يوم يانن العين تغيب

يبقى النصيب حتما هلاك

بعدين معاك

مجنونه .. رزينه

انا يمكن كل اللي يشوفني

يفتكر اني .. عاقله رزينه

او اني يادوب ..

مانيكان اخرس متعلق جوا الفاترينه

انما رغم الامر الواقع ..

انا اكثر بنوته مجنونه

انا اكثر حد بيتشاقى جوا ف نفسه

ويخبي بخوف اللي يحسه

انما نفسه

يشبع تنطيط

وبرغم الظاهر من بره

برسم احلامى بريشه تبان كل الالوان

احمر .. اخضر .. اصفر وابيض

زى قلوب بتدوب احلام

وبدارى ف اشواقى لدنيا

مليانه جنان

جوايا باداري جناني عشان

لو بان .. ف كلام الناس هازيد

وكأن البنت المجنونه داخل ذاتها

تقضي حياتها من غير ضحكه

او حتى البسمه الممنوعه من سِكتها

بقرار م الناس

يفرض قهرا قتل الإحساس

جوا الروح المحتاجه تطير ..

من غير جناحات

وتبات مسجوننه فى اوهاهما

سجان عايش لجل مايقتل

كل الافراح اللى بتغزل .. فرحنا فستان

وف لحظه بنخرج من كادر الصوره العتمه

ونلخبط ايامنا ب الوان

والريشه المجنوننه بشوكها

تخنيقها الكديه الموصوفه ..

بتقاليد وعادات

بنوته بضفاير

لسه فاكراه كل حاجه

الحوارى ..

القهاوى..

والجيران

الامان ف اللمه والصحبه الجميله

والحبيب اللى عشقته

لما كنت يادوب بافكر

لسه بضفايرى الطويله

لسه فاكراه طنط حكمت

فرحه کانت تملی بیتنا

جاره لکن ام لینا

کل یوم بتزور عیلتنا

ترسم الفرحه ف عنینا

وعم نظمی

کان بیغلط .. کل ثانیہ

لما ینادینن بآسمى

اجرى تانى علیه وا قوله

حد ینسى اسم بنته؟

كنت بضحك ضحكه حلوه

ويا حواديت جدتى

لسه فاكراه..

لما كنت بلهفه اجري

لجل مالحق حصتى

سكتى انا والبنات

رسمت الاحلام حكايه

هى كل دنيتى

والبدايه لما كنت ف حزن امى

الحنان اللى باحسه

لما دقت قلبها

بتناجى قلبى

ولا دمعتها عشانى

كأت بتبكى

لو تحس أنى حزينه

والجنينه

الى يا ما رحتها وياك يا والدى

لما كنا بنجرى فيها واختى تضحك

لسه سامعه ضحكها

زى لحن جميل ف ودنى

والبراءه الى ف عيوننا

والحنين الى ف قلوبنا

والامال الى على شط الهوى..

يا ما بنيتها

قصر عالى وحلم عالى..

يحققه نسيج خيالى

زى الف ليله لما تزيد بليله

زى فسحه نيل مع النسمه الجميله

فرحه من غير اى خوف

ياما بتمنى تعود

ذكريات

لما بتمرف خيالى

تخلق البسمه اللي ترسم ع الشفافيف

ضحكتين

قلبى بيدور بشوق

جوه ارکان الحنین

کل ثانیه فیها فرحه

کل لحظه م الانین

طبطنه جبرت بخاطری

من زمان

لسه حساها یاجدی

لما كنت ببص جوه عنك حبايبي

قلبي لسه رغم سنه ..

حاسس انه

طفل لسه یادوب بیتعلم یخطی

ظل یرسم صورہ حلوه

لطفله ببراءه تعدى

وبضفايرها الطويله

تربط الاحلام ف ايدها

ذكرياتها تجرى كالدّم ف وريدها

عائشه بيها عمر كامل

لسه بنوته بضفاير

كفاياك يا ليل

كفاياك يا ليل

كفاياك ألم وفراق اكيد

ونجوم بتهرب من قمر سهران وحيد

متخبي وسط غيوم .. حزين

كفاياك دموع ..

هو الفرح اصبح عليك ممنوع؟

القلب من كتر الوجد مابقاش سليم

والخط لو كان مستقيم ..

يوصل ما بين النقطتين يادوب ..

باقصر الطرق

واللي اتحرق .. من ذكرياتنا المؤلمه

اصبح حقيقه مبهمه

والاااااااااااا طريق

مكتوب على كل القلوب تمشييه

والاااااااااااا صديق

بيصاحب الدمع ف عيون بتدارى فيه

تلاقيه ف كل وشوش تقابل سكته

ومخبيايه ورا ضحكه ماتت من سنين

متشعلقين فى وهم سموه الامل

متكتفين بحلم عمره ما اكتمل

بننام ياليل و عيوننا لسه مفتحين
والخوف من المجهول مالينا
دنيتنا فارقتنا خلاص مابقتش لينا
حتى الايديين اتفرقوا
بعد أما كانوا مشبكين
ولامتى بس؟؟
القلب ملّ.. القلب گل
كل اللي قالوا الصبر حل
صبحوا عرايا الوهم غطاهم
ولسه برضه حلمهم ..
يتداروا فيه

فراق محتوم

برغم نور الشمس

والضى والقمره

مشنوقه احلامنا

والموت قدر مكتوب

ايامنا بتعدى ولا مره بتهدى

والحب اصبح ذنب

ولا بد منه نتوب

امتى الامل يكبر ويمد لنا الايد

امتى نعيش بكره ونجدد المواعيد

امتى القلوب تعشق

تمحى بغرامها ذنوب

بنغمى ف عيونا

وسكوتنا موت محتوم

لو يوم نشوف الفرح

الحزن فينا يدوم

قلب الحنين مجروح

بيداري في المعيوب

اتفرقوا الاحباب
والفرقه نار قايدة
موت القلوب دا عذاب
نندم وايه الفايدة
عايشين كما الاموات
واللى بنصبح فيه
نرجع وفيه بنبات
دنيا مابتسعنا
والدمع مش محسوب

ماشيين طريق واعر

بايعين سنين العمر

شايئين هموم ياما

شاربين ف كاس المر

الضحكه خاصمتنا

ومفارقة سكتنا

والوحده سكنانا

مهما تحاوطنا قلوب

خيوط الفجر

وفاضل خطوتين دائما

وتتلاقى خطاويننا في سكة شوق

وتخطفنا نجوم الليل ونهرب منها وياها

ونطلع فوق

على جناح الأمل بنطير

ودقات القلوب فينا تغرد لنا

تشجينا .. كما العصافير

وباسرح في الخيال ويّاك

واخر الكادر بالقائي تمللي معاك

وهاستناك

نحارب يوم جيوش البعد والاشواق

ومانسلمش بسهولة لأي فراق

وويانا تعيش احلامنا ف عيونا

وتخلق ضى

شعاع قمره ينادينا

بصوت مسموع ومالهوش زى

كأنه ف كل لحظه تروح

ببرسم خط أيامنا

ويبدر خير

ف يطرح حلم جوانا ويتحقق

ونلقاه جى

يقابلنا بشوق طائر

ونتلاقى

بضحكه حلوه تجمعنا

ونقطف ورد ايامنا .. وننسى الشوك

بنظره حب ليها معنى

ونتفرق على عهد اللقا دائما

ونعزف فرح

كامنجه لحن اوتارها كما الكروان

بيتغنى بلحن غرام

حرام قلبين فراقهم موت

سكوت مع ليل بيتبدل وينزف نور

يدور العمر بينا صحيح

لكن يرجع ويتعدل

بدقات القلوب بيننا .. ونستنا

خيوط الفجر تجمعنا وننسى الجرح

ونطرح م الحياه اوجاع

ونجمع نبض في قلوبنا بيمنع اي يوم لوداع

ونقسم ع الحياه فرحه

ونجمع كل ايامنا ونضربها في حلم وضاع

هايبقى ناتج الحسبه

يساوي قلب واتقسّم ما بين جسدين

حبيبي وبس

لمست الحلم بإيديا

ساعة مالمحت طيف نورك

وبحضورك ..

بتتغير ملامح فيا كات غامضه

وتتحول كتاب مفتوح .. بكل وضوح

باقول انك في قلبي النبض / وروح الروح

وشوقي للكلام وياك غلب صمتي

فابتجج بأي كلام

وحتى لو ما بينا خصام

عيون قلبي بتتكلم وتنطق شوق

وتبدأ في الكلام وياك

وتتمنى لو الأيام في عمري الجاي

تعيشها معاك

وبتغمض تشوف طيفك يراوضها ..

بحلم جميل

وليل وياك وبیطول مع قمره ف اجمل ليل

وكل نجومها سهرانه قناديله

وأناجيله بشوق قلبي وأناديله

فيخلق من حياتي حياه

وأقول الااااااه فتتحول لبحر غريق

ندوس على شطه بهمومنا ..

فتتبدل لموج هادی وجو عليل
وعمر بنحصده بأيدنا جناین ورد
وأيام حلوه عشناها ومالهاش عد
ووعد ما بينا يربطنا نعيش ..والحزن عنا بعيد
وبتأكيد ..

هايفضل ف العيون ضحكه..

بتكتب حبنا مواويل

بتتغنا صبا وسيكا

ودقات قلبي مزيكا بترقص ع النغم والحس

وبتقولك مافيش غيرك

حبيبي وبس

آآه يا قمري

آآه يا قمري

بتناديني وهتلاقيني

جايه بجري

دنتا عمري وضي عيني

وانت قدری

لو هترجع ليا نادم

وتقابلني بوجه باسم

هتلاقيني معاك بقاسم

حتى سري

أأأأه ياقمرى

عشت اتمنى وجودك

امته هتحقق وعودك

نفسى احس بشوق عيونك

امته تيجى ف حضن قلبى

أأأأه ياقمرى

ياله قرب من عيونى

مشتاقين لضمه منك

ليه تخيب فيك ظنونى

وقلبى عمره ماخاب فيه ظنك

ياكل املى

أااااه یاقمری

مهما كنت جرحت قلبی

مش هینقص لحظه حبی

یالی عمری لیک وهبتہ

وايه يساوی بس عمری

أااااه یاقمری

یالا عوّضنی بحنائک

عایزه اعیش ویّاک زمانک

لو هتیجی برضه هاجی

نظره منك نور بیسری

أااااه یاقمری

سنين فكه

وباستنا ..

شعاع الضي لمّا ينور السكه

ويمحي ضلّمة العمر اللي عدى يادوب..

سنين فكه

وباتكا على وجعي واقول يمكن

جراح العمر تتسكّن

فيتبدل الامي بقرح

وهاستنا ..

وهافضل عمري اتمنى ..



يروح الجرح

واعيش احلم وأنا برسم ف 100 ضحكه

ووسط طريقى بالقاها تقابلنى.. مع النسمة

فاتلمسنى ..تحسسنى بشوق وحنين

وترجع تانى وتعدى معاها سنين..

وراهها سنين

وانا حالفه بألف يمين

ما يسكن قلبى – بعد اليوم دا –

اي آلام

ومين يقدر يعيش الحزن لو لحظه

ولو حتى ضلام الدنيا جوايا..

راح اغسل روحى واتوضا..

وأصلى امام

وامد الشوف واتخيل سنين قُدام

وهاتكحل بأيامى اللى فيها براءه الدنيا

في وقت ماكنت بتغطى بأحلامى

والاقي عيونى سرحت فيها لو ثانيه

مابين اللحظة والتانيه..

اقرر اني احققها

وهاتدفا بشعاع الفرح

فيبدد فى عتمة ليل

كان ساكن فى قلبى زمان

ممنوع م الصرف

والطَّرْف اللي ما بيني وبينك

مبقاش موصول

وتطول المده المحسوبه ايام وسنين

اتنين كانوا يوم ف صحيح واحد فرقهم مين

ماشيين شابكين الايد ف الايد

وطريقهم مافيهوش اى سدود

وجراح العمر ف ايامهم

لو يوم صادف كان وقابلهم

تلقاه بيفوت

دلوقتي خلاص

ف افيش العمر ككل حكايه

تخلق نهايات..

مجروحه دموعها بتنزف هم

والسم المخلوط بعسلها

مبقاش بيهم

لو كل مشاعر حسينها يلقاها الموت

مش قلبي وبس دابдал القلب
فيه ميه وألف..
ممنوع م الصرف
ماتقولش نصيب ولازم هنشوف
ايامنا تعدى بأحلامنا يملأها الخوف
بنعلق اخطاءنا ف اهه..ونقول دى ظروف
ونتوه مع دمعته بتشبهنا..
تتغير وياها ملامح
وتلاقي الدنيا بتاخذنا ..دوران للخلف
وعشان منا قلبي يادوب مكتوب
صفر علي شمال
ممنوع م الصرف
بنعيشها ظنون
وكلام ف كلام ونقول عادى
كل ده بيهون
سكاكين بتقطع ف قلوبنا
بسلح مسنون
من ايد احباب..لأ دول كانوا
مبقوش احباب
وعذاب موصوف لجل مانفهم

الدنيا ونعمل ليها حساب
كذاب اللي يفكر انه..
هيعيشها سعيد
والقمر اللي ينور كونه يطلعه وحيد
بيعيد ف الاحزان ويللمم جرح العشاق
مشتاق وبيرسم احلامه..
يطلعه فراق
ف يصالح نفسه عشان يرضى
لكن ... مجرووح
واتاري الفرح مايجيش غير...
بطلوع الروح

أمي

لما بسمع اى كلمه فيها امى
او بشوف دموع لطفل يكون صغير
بلقى دمعه نازله منى غصب عنى
وألقي اهه م الوجع..
ومش قادره اعبر
بالقى روحى سايبه روحى وتايهه منى
مش بترجع تانى ليا مهما دور
انتى فين...؟ رحتى فين؟
محتاجاك يالى كنتى..
ليا اغلى من حياتى
سبتى ليه ايدي وهى ممدودالك

انتی فاکره انی ع الفرقة راح اقدر
ارجعیلی....

ایوه لازم ترجعیلی
نفسی احکی الی ف قلبی..
وانتی واخذانی ف حضنك
و بتسمعیلی

نفسك اقولك یاللی صورتك ساكنه قلبی
ویاللی طیفك ف خیالی
لما كنتی تقولی احبك
كنت أقولك بس حبی لیکی اكثر
اعذرینی.. اصلی انا مش قادره اصدق
غصب عنی قلبی عاش..
یحلم بقربك جنب منی

بس نفسی ف الفرح اشوف عیونکم
وألقي ضحكه کبیره وانتی بتحضنینی

يبقى ليه بتود عيني
رحتى فين طب قوليلي ؟ او خديني
انتى ناسيه انى كنت معاكى ضلك
كنت وياكى ف حزنك قبل فرحك
انى عمرك ... بنت قلبك
طب عشان خاطرى وخاطرك طمنيني
انتى فين ؟؟؟ بس قولى ؟
انتى مش شايفه دموعى ؟
انتى مش حاسه بحيني ؟
نفسى اسمع تانى صوتك
لما كنتى بتناديني
ايوه كل شئ واحشنى
اصلك انتى ضى عيني
نفسى أشوفك أيوه نفسى
حتى لو ف الحلم تيجى وتزوريني

محتوى الكتاب

2	بطاقة الكتاب
4	محض افتراض
8	دقة سلف
15	أنت حياه
18	هو إنت إيه
25	فجر بيتولد
29	بتشبهنى
33	عكس السير
36	ضحكة بتتولد غصبا
39	سبحان الله
42	ست الملاح
45	الليل يموت
49	صندوق الدنيا
54	جوايا حاجات
59	يعدين معاك

62		مجنونة رزينة
66		بنوته بضفاير
73		كفاياك ياليل
76		فراق محتوم
80		خيوط الفجر
84		حبيبى وبس
87		أأأأأه ياقمرى
90		سنين فكة
93		ممنوع من الصرف
96		أمى
99		محتوى الكتاب